

PINIARNEQ 2019

ALLAANIARTUNUT PAASISSUTISSAT PISANILLU NALUNARARSUIFIIT



EQQAAMAJUKI

Pisatit kingusinnerpaamik oktobarip

15-iani nalunaarutigissagakkit.

Tamanna kisalu piniarnermut allagartamik nutaamik qin-
nuteqarneq immiut sullinnikkut www.sullissivik.gl-imi
imaluunnit kommunip sullissiviani pisinnaavoq

Forsidefoto: Fanger flenser sæl ved Moriusaq, Fotograf: Erik W. Born.

Sagqani asseq: Moriusap eqqani piniartoq pusiimik pilartooq, Assilisoq: Erik W. Born.

PINIARNEQ 2019

JAGTINFORMATION OG FANGSTREGISTRERING



HUSK!

**Du skal rapportere din fangst
senest den 15. oktober.**

Dette samt ansøgning/fornyelse om nyt jagtbevis,
kan du gøre ved selvbetjening på www.sullissivik.gl
eller hos Kommunens Borgerservice

KALAALLIT NUNAANNI PINIARNERMI ILEQQORISSAARNEQ

*Piniarneq pillugu Siunnersuisoqatigiit aamma Aalisarnermut,
Piniarnermut Nunalerinermullu Naalakkersuisoqarfik*

PINIARNERMI ILEQQORISSAARNEQ

Piniakkagut assigiinngitsorpassuit pinngortitarlu alutornartorsuaq piniarnermi naleqanngitsunik misigisaqarnissamut periarfssiipput, pisaq puisuuppat, arfiuppat, umimmaappat timmiaappalluunniit apeqquataatinagu. Nunatsinni piniarnermi ileqqorissaarnertut isigineqartut immikkoortuni tallimani tulliuuttuni allaaserineqarput.

- 1) Piniarneq tamarmi inatsisit atuuttut naapertorlugit ingerlanneqassaaq. Taamaattumik piffissaliussat piniarfissat, nunat piniarfissat pisassiissutillu atuuttut paasiniakkit, aamma illit kommunerisappit avataani aalajangersarneqartut. Nunat eqqissisimatinnegartut aamma timmiaqarfiit eqqaanniittut sumiiffiit immikkoortitat illersugaasut ataqqqit taamaalilluni timmissat eqqissisimallutik piaqqisinnaaqqullugit amerleriarsinnaaqqullugillu.
- 2) Piniarnerup nuannersuuneranut ilaavoq uumasup pisariaqanngitsumik naalliutsinneqannginnissaa. Taamaattumik pingaaruteqarpoq sulloqqortussutsip eqqortup atorneqarnissaa isumannaatsumillu ungasippallaanngitsumiit aallaaninngisaannarit. Uumasup aatorneqarsimasup nammanneqarnissaa qanillisarinarlugu uumasut pissatarineqassanngillat ungoorneqassanatillu.
- 3) Nunatsinni inoqutigiinnut, atisanut aamma eqqumiitsuliornikkut atortussiasanik atuinitsinni uumasup tamarmiusup atorneqarnissaa ileqqoraarput. Taamaattumik pisaqaruit neqi allallu nerineqarsinnaasut, atorneqarsinnaasullu allat tamakkerlugit nassartakkit. Taamaaliornikkut pisuussutit uumassusillit ataatsimut pigisavut pitsaanerpaamik pissarsiffigissavagut.
- 4) Piniariarlutit aallannginninni sakkutit misissoqqaakkit. Aallaasivit piniagassanut atorneqartinnagu oqattaatigineqarsimanissaa isumannaaruk. Uumasup aallaaniakkavit tunuaniittoqarnersoq tamatigut misissoqqaartassavat. Inuit allat, inissiat, angallatit allallu tungaanut aamma illoqarfiup iluani seqqunngisaannarit.
- 5) Uumasut pisisaritat pillugit tamatigut allattuiaannarit taamaalillutit piniarnermut allagartat nutarterneqartussanngorpat ukiumoortumik immersugassat ajornannginnerusumik immersorsinnaaqqullugu. Piniagassat killilersukkat tamaasa pillugit pisanik immikkut nalunaarsuiffissaq immersoruk utertillugulu, taamaalilluni piniagassaqaassutit ineriartorneri pillugit ingerlatsivik sapinngisamik pitsaanerpaamik ilisimasaqalersillugu.

Pinngortitaq imaannaanngitsoq nunalu annertoq pillugu isumannaallissaaneq annertuumik pingaartinneqassaaq. Mappersakkap matuma ungaluani imaatigut isumannaallissaaneq pillugu annertunerusumik atuariat.

PINNGORTITAMI MISIGISAT AAMMA IGITAT


Pinngortitaq alianaatsuvoq nunatsinni sumulluunniit pigaluaaraanni. Ukiunili kingullerni nunani tikitani alianaatsortaa takujuminaallisimavoq. Siusinnerusuk-kut nunat alianaatsorsuusimasut maannakkut igitanik qimaannakkanik, puiguk-kanik imaluunniit aalisarnermut piniarnermullu atortunik qimaannakkanik annaasanillu mingutsinneqarsimapput. Taamatut ileqqoqalersimaneq piaarnerpaa-mik unitsittariaqarparput. Pinngortitameereernerup kingorna saliinissaq igitassal-lu il.il. illoqarfimmuut oqqunnissaat ajornartorsiutaasariaqanngilaq. Illoqarfinni amerlanerni umiarsualiviit eqqaanni containerit eqqaaviit inissinneqarsimapput, igitassallu iginneqarnissaat akeqarani. Taamaattumik angalasinimagaangavit igitassa-tit tamatigut nassartakkit. Taamaasiorneq uagutsinnut, kingulissatsinnut, pinngor-titami piniarnermilu pitsaanerpaamik misigisaqartitsissaaq.

Piniarluarina!

INGERLATSIVIMMIIT NUTAARSIASSAT

NANNUNIK PISAQARNERMIK MISISSUGASSANIK KATERSINEQ SUIAASSUSAANNILLU EQQORTUMIK NALUNAARNISSAQ

Kane-p Imartorngani Baffin-illu Ikerani ilisimatuussutsikkut siunnersuinermi kingullermi paasineqarsimavoq piniartut piniareerlutik pisanik nalunaarutit kom-



Assiliartaq 1: Biologinut misissugassanik tunnius-sinissamut ilitsersuut.

QANOQ?

Oqaq: Oqqap nuuanit ilanngarsigit (1 x ca. 0.5 cm miss.) (assit. 1 aamma 2)

Kigut: Tulorissap tunuaniit aamma kigutinnguaq savimmik ukusartumik aalatillugu peeruk. Ki-gutip manngua napinaveersaaruk. (assit. 1, 3 & 4)
Oqamineq kigullu ruujorimut taratsumik imalim-mut ikineqassapput. (asseq. 5)

Ruujori similluarneqassaaq taannalu imai ilanngullugit kommunimi inuussutissarsiutinut siunnersortimut tunniunneqassalluni. Nannuttat pillugu immersugassap immersornissaa eqqaama-giuk.

muninut tunniuttagaat nannut suaassusaannik nalunaartarneri pissusissamisut ingerlanngitsut. Nalunaarusiap (SWG, 2016) aalajangersumik oqaatigaa Kalaallit Nunaanni nannut arnaviat pisisartakkani 39 %-ii kukkusumik nalunaarutigineqarsimasut. Pisat angutiviatus nalunaarutigineqarsimapput, kisianni misissugassat tunniussat naapertorlugit arnaviaasut paasineqarsimavoq. Aammattaq angutiviatus pisat 12 %-ii kukkusumik arnaviatut nalunaarutigineqarsimallutik.

Kalaallit Nunaanni nannut pisisartakkani suaassusaannik kukkusumik nalunaaruteqartarnerat annertuvoq, ajornartorsiutinngorsinnaallunilu ilisima-tuussutsikkut siunnersuineq aalajangersarneqalissappat. Kukkusumik nalunaaruteqartarneq taama annertutigisoq nungusaataannngitsumik piniarneqarsinnaasut annertussusaannut aalajangersaanermik sunneeratarsinnaavoq, tamannalu nannut-tassiissutit ikilisinneqarnerannik kinguneqarsinnaalluni, paasissutissat nalunaarutigineqartut eqqortuunngippata.

Tassunga atatillugu APNN-ip nannunniarnermi malittarisassat nannunik illersuineq piniarnerlu pillugit nalunaarummi atuuttut erseqqissaatigerusuppai:

- Arnavissat ataatsimik amerlanerusunilluunniit piaraqartut kisimik ukioq ta-maat eqqissisimatitaapput.
- Arnavissat piaraqannngitsut qanorluunniillu utoqqaatigigaluarpata, angutiviatus piniarneqarsinnaapput piffissat piniarfiusinnaasut akuersissuteqarnissamullu piumasaaqatit naapertorlugit.

Maleruagassat erseqqissaatigineqarnissaat pingaaruteqarpoq, APNN-ip paasini-kuummagu nannunniartarfinni sumiiffinni ilaanni isumaqartoqartoq nannunik arnavianik piniartoqaqqusaanngitsaq. Akuersissuteqaraanni ataatsimik amerla-nerusunilluunniit piaraqannngitsut piniarneqarsinnaapput, nalunaarut atuuttoq takuuk. Aamma pisap suaassuusaa eqqortumik nalunaarutigiginissaa pingaarute-qarpoq. Tamanna piniagassani tamani atuuppoq.

Eqqunngitsumik nalunaartarneq pissutigalugu, misissugassanillu tunniussisarnerit ikippallaarnerit pissutigalugit, Aalisarnermut, Piniarnermut Nunalerinermullu Naalackersuisoqarfiup nannunik illersuineq piniarnerlu pillugit nalunaarut al-lanngortissimavaa. Allannguutit malillugit piniartut akuersissutilimmik inatsisit malillugit nannuttut TAMARMIK misissugassanik kommunip allaffianut tun-niussinissamut inatsisitigut piunaffigineqalerput (nannup tuloriaata tunuaniittoq kiguteeraq, taavalu nannup oqaata nuua ilanngarsivigineqarnissaa – Assiliartaq 1

takuuk). Tamanna akuersissumminik naqissusiinermi pissaaq. Misissugassat tigu-neqarpata aatsaat akuersissut naqissusersinnaavoq.

TUTTUNNIARNISSAMUT AKUERSISSUTIT PISANIK NALUNAARUTITALIMMIK UTERTINNEQARTUSSAAPPUT

Nunatsinni inuussutissarsiuutigalugu sunngiffimmilu piniartut tuttunniarnermik nuannarisaqartuupput, tamanna tuttunniarnissamut akuersissutit tunniunneqartartut malillugit malunnarlunnarpoq. Illoqarfinni nunaqarfinnilu sullissiviit piniartunut tuttunniarnermik akuersissutit



tunniussisartuupput, taamatuttaarlu akuersissutit utertinneqartut nalunaarsortarnissaat pillugu suliaqartartuullutik. Piniartut akuersissuteqarnertalimmik tuttunniarsinnaalernerminni inatsisit malillugit akuersissutit tunuaniittumik pisanik nalunaarsuiffimmik immersuinnissamik pisussaaffeqalerput. Pisanik nalunaaruteqarnermi pisaqarfuit, tuttu suaassusaat, utoqaassusaat aamma tunnoqassusaat nalunaarutigineqartussaapput.

Tuttut pisarineqartut pillugit nalunaarutigineqartartut APNN-ip aqutsinermi aamma biologit inassuteqaasiornermi atorarpaat, inassuteqaasiornissamullu pitsaanerpaamik tunngaveqarnissaq tassaalluni tuttoqatigiit pillugit sukumiisumik ilisimasaqarnissaq. Pisanik nalunaaruteqarnissaq taamaalluni pingaaruteqarlunnarpoq, allaat Piniarnermut Naalakkeruisumit tuttunniarnermik pisassiissutit piffissaliussanillu aalajangiinissamut atornerqartarlutik.

Akuersissutit pisanik nalunaaruteqarnermik immersornissaat utertinneqartarnissaallu APNN-miit ilaatigut TV-kkut allagartalersuinikkut ukiuni kingullerni sulissutigineqartoq iluaqutaasoq malunnarpoq, kisianni akuersissutit utertinneqanngitsut suli amerlavallaarlutik.

APNN-mi maleruagassat maannakkut sukaterineqarnissaat sulissutigineqarpoq ilaatigullu piniarnermut aallaaniarnermullu inatsisip nutarterneqarnerani tuttunniarnermik umimmanniarnissamullu pisanik nalunaaruteqartanninneq pillugu immikkut sukaterisoqarluni. APNN-miit eqqaasitsissutigissavarput uteqqiattumik pisanik nalunaaruteqarnissaq pillugu nalunaarutini piumasaqaatit naammassine-

qanngitsut pineqaatissiissutaasinnaammata taamaattumillu APNN-miit ilungersorluta tuttuttatit umimattatillu nalunaarutiginissaat piumasaraarput.

Tuttunniarnissamut akuersissutit 2017-mi tunniunneqartut utertinneqartullu illoqarfinni makkunani Sullissiviit suleqatigalugit nalunaarsorneqarsimapput kisitsisinngorlugillu imaapput:

Nuuk	Tunniunneqartut	Utertinneqartut	Procent-inngorlugu
Sunngiffimmi	1.133	559	49,3
Inuussutissarsiutigalugu	108	45	41,7
Sisimiut	Tunniunneqartut	Utertinneqartut	Procent-inngorlugu
Sunngiffimmi	271	82	30,3
Inuussutissarsiutigalugu	*	*	*
Maniitsoq	Tunniunneqartut	Utertinneqartut	Procent-inngorlugu
Sunngiffimmi	339	134	39,5
Inuussutissarsiutigalugu	134	84	62,7
Aasiaat	Tunniunneqartut	Utertinneqartut	Procent-inngorlugu
Sunngiffimmi	205	146	71,2
Inuussutissarsiutigalugu	67	45	67,2
Qeqertarsuaq	Tunniunneqartut	Utertinneqartut	Procent-inngorlugu
Sunngiffimmi	24	16	66,7
Inuussutissarsiutigalugu	41	27	65,9

**Kisitsisit pineqartut Sisimiuneersut pissarsiarineqarsinnaasimannngillat.*

QILALUKKANUT QERNERTANUT QAQORTANULLU PISASSEERIAASEQ

Qilalukkat qaqortat qernertallu 2004-mi pisassiisarnikkut killilersorneqalerput. Pisassiisutunik killilersuineq atuutilersinneqarsimavoq qilalukkat qaqortaqaatigiit qernertaqaatigiillu ikiliartornerat unitsinniarlugu, taamannallu iliuuseqarneq iluaqutaasimavoq, pisarineqartummi malunnartumik ikileriarsimammata. Ungoorilluni piniartarnerup inerteqqutaalersimanera qilalugaqaatigiit ikiliartorunnaarneranut arriitsumilluunniillu amerliartornerannut peqqutit pingaarnerit ilaanniittoq ilimanarlunnarpoq.

Naalakkersuisut nuna tamakkerlugu pisassiisutissat JCNB-mit aamma NAMMCO-mit siunnersuineq, atuisut ilisimasaat aamma peqataasut attuumassutillit – soorlu kommunit, KNAPK, TPAK, Piniarneq pillugu Siunnersuisoqaatigiit, Pinngortitaleriffik, SQAPK kiisalu Pinngortitamut Avatangiisinullu Naalakkersuisoqarfik – tusarniaaneqarnerat tunngavigalugit aalajangertarpaat. Naalakkersuisut aammattaq pisassiisutit aqutsiveqarfinnut agguataar-tarpaat tusarniaavigineqartut siuliani eqqartorneqartut tusarniareerlugit.

Pisassiisutit tamakkerneqanngitsoorpata ukiup pisassiiviup tullianut nuussinnaaneq (carry-over) 2013-mi atulersinneqarpoq, tassani periuseq amerleriar-tuutaanngitsoq atorneqarluni, tassa nuussinermi ukiup siuliani atunngitsuukkat kiseqataassanatik. Pisassiisutaasut tamarmiusunit 10 %-ii sunngiffimmi pinialuttartunit pisarineqarsinnaapput, sinneri inuusutissarsiutigalugu piniartunit taamaallaat pisarineqarsinnaallutik. Tunumi sunngiffimmi pinialuttartut pisassiisutaat 15 %-imut inissinneqarnikuuvoq. Qilalukkanut qernertanut pisassiisutit, Nunavummi aamma Kalaallit Nunaanni piniarfinnit assigiinngitsunit pisarineqartarneri uumasoaqatigiit sorlerminngaaneernerinit tunngavigalugit pisassiisutit aalajangersarneqartarput, tamanna isumaqarpoq pisassiisutissatut siunnersuutit nunat tamat akornanni sinaakkusiussat aallaavigalugit tunniunneqartartut. Aqutseriaatsip pingaarnertut iluaqutigisaa tassaavoq nungusaataanngitsumik piniarne-rummat. Qilalukkat qernertaqaatigiit imaluunniit qaqortaqaatigiit tassaapput arferit ”eqimattat”, ukiut tamaasa sumiiffimmut aalajangersimasunut aqutit aalajangersimasut aqutitigalugit ingerlaartartut, taamaattumillu sumiiffinni aalajangersimasuni piniarneqartarlutik.

Qilalukkat ukiut tamaasa sumiiffinnut aalajangersimasunut ingerlaartartut taamaattumik qilalugaqaatigiittut isigineqartarput, qilalugaqaatigiillu pineqartut ikiliartuutaanngitsumik qanoq piniarneqartigisinnaanersut aallaavigalugu pisassiisutit agguarneqartarlutik. Taakku tunngavigalugit piniarfiit agguarneqarnikuupput.

Uumassusilerisuniit siunnersuineq APNN-ip tigusartagaa ukiuni arlalinni atuuttarpoq. Maannakkut qilalukkanut qaqortanut qernertanullu uumassusilerisuniit siunnersuineq ukiuni 2016-2020-mi atuuppoq.

Siunnersuineq qilalukkat qaqortat qernertaqatigiillu piffissap ingerlanerani amerliartornissaanut ilimanassuseq aallaavigalugu aalajangersarneqartarpoq. Qilalukkanik qaqortanik qernertanillu piniartoqaqqusaanngikkaluarpat 100 %-imik ilimagineqarsinnaavoq ukiut tallimat taakku iluanni qilalugaqatigiit amerliartusasut. Pisassiissutit annertunerutikkaanni, taava qilalugaqatigiit amerliartornissaanut ilimanassuseq annikinnerusaaq. Qilalugaqatigiit ukiut tallimat ingerlanerani amerliartornissaanut ilimanassuseq Kalaallit Nunaanni 70 %-imut inissinneqarnikuuvoq. Qilalugaqatigiillu amerliartorpata taava siunissami pisassiissutit aamma amerliartorsinnaapput. Arferit angisuut, aarrit aamma nannut pillugit assingusumik pisasseriaaseqartoqarpoq.

NANNUNIK NAAMMATTUUNERIT AJORNARTORSIUTILLU

Nannut inuillu akornanni akerleriinnerit aamma imminut illersorluni nannunik toqutsisariaqarnerit silaannaap allanngoriartornera malillugu amerliartornissaat naatsorsuutigineqarpoq. Silaannaap allanngoriartornera pissutigalugu nannut nunamiittut amerlissapput, nunallu immallu issittut avannarlerni inuit suliniuteqartut amerlissallutik. Nannut amerlanertigut inuit suliaqartut nipiliornerat tipaallu pillugit aggertarput, sikoqannginneralu pillugu nannut tassani nunamiit-tariaqarnerat pillugu aporaannerit amerliartornissaat ilimanarnerulissaaq. Tamanna pillugu nannunik toqutsisariaqarnerit amerliartorsinnaassapput. Taamaattumik taqussat eqqakkallu aalajangersimasumik pisarnissaat pisariaqarpoq, tamannalu nannut inuillu akornanni aporaannerit aamma ajutoornerit ikilisinneqarnissaanut pingaaruteqarluinnarpoq.

Kalaallit Nunaanni maleruagassat malillugit aporaannermi imaluunniit imminut illersorniarnermi nannumik toqutsisoqartariaqarsimatillugu ingerlaannartumik politeeqarfimmut qaninnerpaamut aammalu Aalisarnermut, Piniarnermut Nunalerinermullu Naalakkersuisoqarfimmut nalunaarutigineqartussaavoq.

Nannut inuillu akornanni aporaattarnerit siunissami amerliartuinnannginnissaat qulakkeerniarlugu nannut qimaatinneqarnissaannut sakkut toqunanngitsut pitsanngorsaavigineqarnissaat sulissutigineqarpoq, soorluttaaq nannut illoqarfinnut, nunaqarfinnut, savaateqarfinnut kiisalu ilisimatusarfeqarfinnut sakkutooqarfinnullu qanillinnginnissaannut atugassat.

APNN maannakkut nannunik naammattuinerit pillugit maleruagassat atuuttut tunngavigalugit ingerlatsivoq, taakkulu pingaarnersiorlugit imaapput:

Illoqarfiit avataanni nannumik takunnittoqarpat qanoq iliortoqassava?

- Nanoq qanillinagu allamukarit.
- Piniarnermut nakkutilliisumut imaluunniit toqqaannartumik APNN-mut nalunaaruteqarit nannup sumiinneranik sapinngisamik sukumiisumik nasuiaallutit.

Nanoqarfinni ingerlaarnermi:

- Nunap ilaani nannunik takuneqartarfiusuni nannup tupatsinneqarnissaanut atortunik nassartoqassaaq nannullu alapernaatsut qimaatineqarnissapput.
- Nipituumik suaartarit, nipiliorlutit anginerusutullu saqqumillutit talitit aalatilugit. Taamaaliornikkut nanoq alapernaatsoq qimaatinneqarsinnaagajuttarpoq.
- Nunap ilaani nannunik naammattuiffiusinnaasuni qimaatinneqarnissaannut qoorortuumik minnerpaamik 30.06-mik sulloqqortussulimmik nassartoqartassaaq.

Illoqarfiit nunaqarfillu eqqaanni nanoqalerpat:

- Nanoq inoqarfinnut qanilliarortoq qoorortuumik, illuinnarsuummik kalerri-saarummik imaluunniit assingusunik qimaatinniarneqassaaq.
- Umiatsiaaqqat, qamuteralaat imaluunniit ATV-t nannut qimaatinneqarnissaannut atorsinnaapput. Tamanna kigaatsuinnarmi ingerlanneqassaaq. Nannut imaaliannaq toqussutigisinnaasaannik kissatsippallaartarput.

Nannunik naammattuinerit pillugit maleruagassat atuuttut www.businessingreenland.gl -mi takuneqarsinnaapput.

PINIARIANNGINNERNI AKUERSISSUMMIK PISSARSEQQAARIT

Ukiuni kingullerni ajoraluartumik ileqquliunneqarsimavoq akuersissummilluunniit pissarseqqaarani piniariarneq. Akuersissut inatsisit malillugit piniariarnissamut uppernarsaatissarivat. Piniagassat pisassaritinneqartartut allat sanilliullugit piniartut amerlanerusut nannut, aarrit, qilalukkat qaqortat aamma qernertat pisarisarpaat, akuersissummik pissarseqqaaratilluunniit. Taassumalu kingunerisinaavaa amerlavallaanik pisaqartoqarnera, akiligassitsinneq aamma arsaarinninneq. Tamakkuupput ajornanngitsumik pinngitsoorneqarsinnaasut akuersissummik pissarseqqaarsimagaanni. Taamaammat Aalisarnermut Piniarnermullu Naalackersuisoqarfiup pisassiisutilinnik piniariartartunut tamanut kaammattuutigerusuppaakuersissutinik aalleqqaarnissaq piniariannginnermi. Tassami piniariannginnermi

akuersissutinik piniappaarsimagaanni, piniarfimmullu nassarlugu, akiligassat pineqaatissiisutaasinnaasullu allat pinngitsoorneqarsinnaammata.

Akiligassiisutit tusintillit arlaqartut angusinnaasarpaa, apeqqutaalluni uumasut qassit, uumasuq suna taavalu aalajangersakkat qassit unioqqutissimanerlugit. Pisamik arsaarinnineq pineqarsimangippat akiligassamik annertunermik takkuttoqarsinnaavoq, pisap nalinga akiligassamut ilanngunneqarsimassammat. Arlaleriarluni unioqqutitsinermi piffimmik aalajangersimasumik piniarnermik allagartaqaqqusaannginnermik kinguneqaataasinnaavoq.

Akuersissutissat piffissaqarluartillutit kommunemut sumiiffigisannut aaguk!



Assiliisoq: Henrik Hansen

PINIAGASSAT ASSIGIINNGITSUT PILLUGIT PAASSISUTISSAT: INATSISIT, PIFFISSALIUSSAT AAMMA MALERUAGASSAT

NANOQ

Inatsisit: Kalaallit Nunaanni nannunniarneq inatsisitigut nannunik illersuineq piniarnerlu pillugit Namminersornerullutik Oqartussat nalunaarutaat nr. 21, 22. sept. 2005-imeersumi malittarisassiuunneqarpoq.

Malugiuk: Kalaallit Nunaata kitaanut nannuttassiissutit 2018-mi januaarip aallaqqaataaniit atuutilerput. Ukiumoortumut nannuttassiissutit ataatsimut isigalugit 140-miit 156-mut qaffannikuupput. Qaffaaneq Kane Bassin-mi aamma Baffin Bugt-mi nannut pillugit Biologit nutaamik siunnersuuteqarnerannik peqquteqarpoq. Nannuttassiissutit Kalaallit Nunaat aamma Nunavut/Canada akornanni isumaqatigiinniarnertit oktobarimi 2017-mi ingerlanneqartut tunngavigalugit aalajangerneqarput.

Nannunniarnissamut piffissaliussat: Kalaallit Nunaata Kitaani (Nanortalik-Qaanaaq) septembarip aallaqqaataaniit juunip 30-iat ilanngullugu, Tunumilu (Ittoqqortoormiit aamma Tasiilaq) oktobarip aallaqqaataaniit juulip 31-iat ilanngullugu.

Ilitsersuutit: Nannunik naammattuinermi qanoq pissuseqarnissamut ilitsersuut Namminersorlutik Oqartussat nutarternikuuaat, tassani aamma nannup toquneqarnerata kingorna amia, niaquata saarnga aamma aqajarua qanoq passunneqas-sanersut ilanngunneqarlutik. Ilitsersuut aamma nittartakkami www.businessin-greenland.gl aqqutigalugu pissarsiarineqarsinnaavoq.

Sulloqqortussutsinut piumasaaqat: Cal. .30-06.

Pisarineqartut 2013-2017	2013	2014	2015	2016	2017
Tamakkerlugit	127	143	142	120	142

AAVEQ

Inatsisit: Aavernik piniarneq inatsisitigut aavernik illersuineq piniarnerlu pillugit Namminersornerullutik Oqartussat nalunaarutaat nr. 20, 27. oktober 2006-imeersumi malittarisassiuunneqarpoq.

Malugiuk: Uumassusilerisunit siunnersuineq piffissamut 2014-2018-imut atuup-poq. Qaanaap eqqaanut taamaallaat Pikialasorsuarmut atuuttumik 2015-mi nutarterneqarpoq. Nalunaarut atuuttoq maannakkut nutarterneqarpoq, januaarip aallaqqaataaniit 2019-mi atuutilersinneqarnissaa pilersaarutaalluni.

Piniarnissamut piffissaliussat: Kalaallit Nunaata Kitaani aaveqatigiit 66°N – 70°30’N: martsip aallaqqaataaniit apriliip 30-iat ilanngullugu. Kitaani sumiiffiit avannarpasissutsip 70°30N-ip avannaatungaani: oktobarip aallaqqaataaniit juunip 30-iat ilanngullugu. Tunumi: oktobarip aallaqqaataaniit juunip 30-iat ilanngullugu.

Sulloqqortussutsinut piumasaqaat: Cal. .30-06.

Pisarineqartut 2013-2017	2013	2014	2015	2016	2017
Tamakkerlugit	120	127	131	135	111

ARFERIT ANGISUUT

Inatsisit: Arfernik angisuunik piniarnermi pineqarput: tikaagullik, qipoqqaq, arfvik aamma tikaagulliusaaq. Piniarneqarneri inatsisitigut arfernik angisuunik illersuineq piniarnerlu pillugit Namminersorlutik Oqartussat nalunaarutaat nr. 12, 22. december 2014-imeersumi kiisalu arfattat angisuut pissatallu nalunaarutigineqartarnerat pillugu Namminersornerullutik Oqartussat nalunaarutaat nr. 12, 16. juli 2010-meersumi malittarisassiuunneqarput.

Piniarnissamut piffissaliussat: Tikaagullik: martsip aallaqqaataaniit novembarip 30-iat ilanngullugu. Arfvik: apriliip aallaqqaataaniit decembarip 31-iat ilanngullugu. Tikaagulliusaaq aamma qipoqqaq: Januarip aallaqqaataaniit decembarip 31-iat ilanngullugu.

Ilitsersuutit: Imarmiunik unioqquitsilluni pisaqartoqartillugu, imminut illersorniarluni imaluunniit piniakkanik killilersukkanik saniatigut pisarisuukkanik qassutini saniatigut pisarisuisoqartillugu ilitersuut nittartakkami www.business-ingreenland.gl -imi takuneqarsinnaavoq.

Sulloqqortussutsimut piumasaqaat: Ataatsimut piniyaqatigiilluni tikaagullinniarnermi: Cal. .30-06.

Pisarineqartut 2013-2017	2013	2014	2015	2016	2017
Tikaagulliusaaq	9	12	12	10	8
Arfvik	0	0	1	0	0
Qipoqqaq	8	7	6	5	2
Tikaagullik	181	157	139	163	143

QILALUKKAT QAQORTAT QERNERTALLU

Inatsisit: Qilalukkanik qaqortanik qernertanillu piniarneq inatsisitigut qilalukkat qaqortat qernertallu illersugaanerat piniagaanerallu pillugit Namminersorlutik Oqartussat nalunaarutaat nr. 3, 27. januar 2017-imeersumi malittarisassiuneqarpoq.

Piniarnissamut piffissaliussat: Ukioq kaajallallugu qaqortanik qernertanillu qilalugarniartoqartarpoq: januaarip aallaqqaataaniit decembarip 31-iat ilanngullugu.

Iltersuutit: Imarmiunik unioqqutitsilluni pisaqartoqartillugu, imminut iller-sorniarluni imaluunniit piniakkanik killilersukkanik saniatigut pisisuukkanik qassutini saniatigut pisisuuisoqartillugu iltersuut nittartakkami www.business-ingreenland.gl takuneqarsinnaavoq.

Sulloqqortussutsimut piumasaqaat: Cal. .30-06.

Pisarineqartut 2013-2017	2013	2014	2015	2016	2017
Qilalukkat qaqortat	305	271	127	203	196
Qilalukkat qernertat	350	415	312	401	426

TUTTUT

Inatsisit: **Tuttunniarneq** inatsisitigut Namminersorlutik Oqartussat nalunaarutaat nr. 7, tuttut nujuartat illersugaanerat piniagaanerallu pillugit 27. juni 2013-imeersumi malittarisassiunneqarpoq.

Sulloqqortussutsinut piumasaqaatit: Inuussutissarsiutigalugu aamma sunngiffimmi piniarneq: Cal. 222. Tammajuitsussarsiorluni piniarneq: Cal. .243.

Pisissimik piniarneq: Inuussutissarsiutigalugu, sunngiffimmi aamma akiliilluni piniarneq: Pisisseq Compound-iusoq qarsut naqqi aalajangersimasut atorneqartillugit minnerpaamik 45-pund-nik (21 kg.) nusutsisinnaassusilik, qarsullu naqqi mekaniskiusut atorneqartillugit minnerpaamik 55-pund-nik (25 kg.) nusutsisinnaassusilik. Qarsut naqqi aalajangersimasut minnerpaamik 385 grains-nik (25 gr.) oqimaassuseqassapput, qarsuillu naqqi mekaniskiusut minnerpaamik 425 grains-nik (28 gr.) oqimaassuseqassapput.

Pisarineqartut 2013-2017	2013	2014	2015	2016	2017
Tamakkerlugit	11.326	12.963	12.082	10.997	11.333



Nuummi Kalaalimineerniarfitoqqami tuttunik agguisoq.

UMIMMAAT

Inatsisit: Umimmanniarneq inatsisitigut Namminersorlutik Oqartussat nalunaarutaat nr. 8, umimmaat illersugaanerit piniagaanerallu pillugit 27. juni 2013-imeersumi malittarisassiunneqarpoq.

Sulloqqortussutsinut piumasaqaatit: Inuussutissarsiutigalugu aamma sunngiffimmi piniarneq: 6.5x55mm. Tammajuitsussarsiorluni piniarneq: Cal. .30-06. Pisissimik piniarneq: Inuussutissarsiutigalugu, sunngiffimmi aamma akiliilluni piniarneq: Pisisseq Compound-iusoq minnerpaamik 60-pund-nik (28 kg.) nusut-sinnaassusilik. Qarsut minnerpaamik 525 grains-nik (34 gr.) oqimaassuseqassapput. Qarsut mekaniskiusut atoqqusaanngillat.

Pisarineqartut 2013-2017	2013	2014	2015	2016	2017
Tamakkerlugit	2.244	2.394	2.384	2.543	1.499

PUISIT

Inatsisit: Puisinniarneq inatsisitigut puisit illersugaanerit piniagaanerallu pillugit Namminersornerullutik Oqartussat nalunaarutaat nr. 16, 12. nov. 2010-meersumi malittarisassiunneqarpoq.

Malugiuk: Qasigiaq aamma sigguttooq (puisi sigguttooq) Kalaallit Nunaanni eqqissimatitaalluinnarmata taakkualu piniarneqartunut ilaanngillat.

Piniarnissamut piffissaliussat: Puisinniarneq ukioq kaajallallugu ingerlanneqartarpoq, januaarip aallaqqaataaniit decembarip 31-at ilanngullugu.

Sulloqqortussutsinut piumasaqaatit: Cal. 17HMR, Cal. 22WMR aamma Caliber 20.

TIMMISSAT

Inatsisit: Timmissanik piniarneq inatsisitigut timmissat illersugaanerat pinia-gaanerallu pillugit Namminersorlutik Oqartussat nalunaarutaat nr. 1, 5. januar 2017-imeersumi malittarisassiunneqarpoq.

Piniarnissamut piffissaliussat:

Timmissat killilersukkat – Ukiakkut aamma ukiukkut piniarneq.

	Zone 1	Zone 2	Zone 3	Zone 4
Miteq	15. okt.-30. apr.	15. okt.-30. apr.	15. okt.-31. mar.	15. okt.-30. apr.
Miteq siorakits.	15. okt.-30. apr.	15. okt.-30. apr.	15. okt.-31. mar.	15. okt.-30. apr.
Appa	15. okt.-29. febr.	15. sept. -15. nov.	1. nov.-15. dec.	1. nov.-31. dec.
Appa sig-guttooq	15. okt.-29. febr.	15. sept. -15. nov.	1. nov.-15. dec.	1. nov.-31. dec.
Taateraag	1. sept.-31. okt. 1. mar.-31. mar.	1. sept.-31. okt. 1. mar.-31. mar.	1. sept.-31. okt.	1. sept.-31. okt.

Malugiuk: Inuussutissarsiutigalugu aamma sunngiffimmi piniartut ullormut pisa-risinnaasaat killeqarput.

Timmissat killilersukkat – Upernaakkut piniarneq

	Zone 1	Zone 2	Zone 3	Zone 4
Miteq	1. maj-31. maj	Matoqqavoq	Matoqqavoq	Matoqqavoq
Miteq siorakits.	1. maj-31. maj	Matoqqavoq	Matoqqavoq	Matoqqavoq
Appa	Matoqqavoq	Matoqqavoq	Matoqqavoq	Matoqqavoq
Appa sig-guttooq	Matoqqavoq	Matoqqavoq	Matoqqavoq	Matoqqavoq
Taateraag	Matoqqavoq	Matoqqavoq	Matoqqavoq	Matoqqavoq

Malugiuk: Inuussutissarsiutigalugu aamma sunngiffimmi piniartut ullormut pisa-risinnaasaat killeqarput.

Timmissat killilersugaanngitsut:

	Zone 1	Zone 2	Zone 3	Zone 4
Appaliarsuk	1. jan.-31. dec.	1. sept.-30. apr.	1. sept.-30. apr.	1. jan.-31. dec.
Qeerlutooq	1. sept.-29. febr.	1. sept.-29. febr.	1. sept.-29. febr.	1. sept.-29. febr.
Nerleq sig-gukits.	1. sept.-30. apr.	1. sept.-30. apr.	1. sept.-30. apr.	1. sept.-31. maj
Kangoq	1. sept.-15. okt.	1. sept.-15. okt.	1. sept.-15. okt.	1. sept.-15. okt.
Canadap nerlera	1. aug.-15. okt.	1. aug.-15. okt.	1. aug.-15. okt.	1. aug.-15. okt.
Nerlernaq	1. sept.-30. apr.	1. sept.-30. apr.	1. sept.-30. apr.	1. sept.-31. maj
Serfaq	1. sept.-31. mar.	1. sept.-31. mar.	1. sept.-31. mar.	1. sept.-31. mar.
Alleq	1. sept.-29. febr.	1. sept.-29. febr.	1. sept.-29. febr.	1. sept.-29. febr.
Tulugaq	1. sept.-29. febr.	1. sept.-29. febr.	1. sept.-29. febr.	1. sept.-29. febr.
Qaqulluk	1. sept.-31. okt.	15. aug.-31. okt.	1. sept.-31. okt.	1. sept.-31. okt.
Tuullik	1. sept.-15. okt.	1. sept.-15. okt.	1. sept.-15. okt.	1. sept.-15. okt.
Aqisseq	1. sept.-30. apr.	1. sept.-31. maj	1. sept.-30. apr.	1. sept.-30. apr.
Naajaannaq	1. sept.-30. apr.	1. sept.-30. apr.	1. sept.-30. apr.	1. sept.-30. apr.
Naajarusuaq	1. sept.-30. apr.	1. sept.-30. apr.	1. sept.-30. apr.	1. sept.-30. apr.
Naajarluk	1. sept.-30. apr.	1. sept.-30. apr.	1. sept.-30. apr.	1. sept.-30. apr.
Oqaatsoq	1. sept.-31. mar.	1. sept.-31. mar.	1. sept.-31. mar.	1. sept.-31. mar.

Sulloqqortussutsinut piumasaqaatit: Timmiarsiut sullua annerpaamik 12-iusoq aamma qoorortuaraq sullua minnerpaamik .17-iusoq.

Piniariaatsit allat: Saaqqutit nuffisilluunniit nalinginnaasumik kiisalu Zone 1-mi aamma Zone 4-mi appaliarsunniarnermi qalut aamma naperniutit ipullit.

NUNAMI MILUUMASUT ALLAT

Kukiffaajuup eqqissimatitaanera pillugu Namminersorerullutik Oqartussat nalunaarutaat nr. 13, 13. september 2004-meersoq. Kukiffaajooq Kalaallit Nunaanni eqqissimatitaalluinarpoq ukiorlu kaajallallugu piniqqusaanani.

Kalaallit nunaanni teriannissat eqqissimatitaanerat pillugu Namminersorerullutik Oqartussat nalunaarutaat nr. 20, 17. maj 1989-meersoq.

Piniarnissamut piffissaliussaq: Septembarip 16-ianiit maajip 14-iat ilanngullugu. Sulloqqortussutsinut piunasaqaatit: Timmiarsiut, qoorortuaraq aamma qoorortoq nalinnginnaasoq. Sakkut eqittaannartakkat nutsuinnartakkallu atoqqusaanngillat.

Malugiuk: Kommunit/aqutsiveqarfiit ilaanni piniarnermut piffissaliussat atortullu pillugit malitarisassat kommunip ileqqoreqqusaatigut allaanerusinnaapput. Taa-maammatt kommuni najugaqarfisat saaffigiuk. Nalunaarutip nutarterneqarnera ingerlanneqarpoq.

Pisarineqartut 2013-2017	2013	2014	2015	2016	2017
Katillugit	1.467	1.691	1.220	979	808

Kalaallit Nunaanni ukallit eqqissimatitaanerat pillugu Namminersorerullutik Oqartussat nalunaarutaat nr. 19, 17. maj 1989-meersoq.

Piniarnissamut piffissaliussaq: Aggustip aallaqqaataaniit apriliip 30-iat ilanngullugu.

Sulloqqortussutsinut piunasaqaatit: Timmiarsiut, qoorortuaraq aamma qoorortoq nalinginnaasoq. Sakkut eqittaannartakkat nutsuinnartakkallu atoqqusaanngillat.

Malugiuk: Kommunit/aqutsiveqarfiit ilaanni piniarnermut piffissaliussat atortullu pillugit malitarisassat kommunip ileqqoreqqusaatigut allaanerusinnaapput. Taa-maammatt kommuni najugaqarfisat saaffigiuk.

Pisarineqartut 2013-2017	2013	2014	2015	2016	2017
Katillugit	2.494	2.269	2.268	2.411	1.622



**Kalaallit Nunaanni amaqqu eqqissimatitaanerat pillugu Namminersornerul-
lutik Oqartussat nalunaarutaat nr. 9, 5. maj 1988-meersoq.**

Amaqqu eqqissimatitaalluinnarput taamaallaallu Ittoqqortoormiit eqqaani
Jameson Land-mi aamma Liverpool Land-mi piniarneqarsinnaallutik. Nalunaa-
rutip nutarterneqarnera ingerlanneqarpoq.

Kommunimi ileqqoreqqusat


Kommunini ileqqoreqqusaliat arlallit pigineqarput piniarnermik malittarisas-
sanit sukannernerusinnaasut. Taamaattumik kommunimut angerlarsimaffigisan-
nut saaffiginnigit ileqqoreqqusat sorliit kommuninni atuunnersut paasinialugit.
Assersuutigalugu nunatsinni kommunit ilaanni makkununga tunngasuni
ileqqoreqqusaqartitsisoqarpoq: puisinniarneq, puisinut qassusersorneq, timmiar-
niarneq, qilalukkanut qaqortanut qassusersorneq, qilalukkanut qernertanik piniar-
neq, arfernik pilanneq aamma assartuutitut pillugit ileqqoreqqusaliat.

NAJUKKANNI PINIARNERMUT AALAJANGERSAKKAT PILLUGIT APEQQUITIT

Najukkanni piniarnermut aalajangersakkat nalornissutigukkit kommunimi inuussutissarsiornermut siunnersorti aperisinnaavat imaluunniit Aalisarnermut Piniarnermullu Naalakkersuisoqarfimmi Piniarnermut Aallaaniarnermullu Im-
mikkoortortaarfik piniakkat killilersukkat killilersugaanngitsullu pillugit aqutsi-
nermik akisussaasuusoq.

Kommunip najugarisanni piniarnermut tunngasorpassuarnik akisuteqarfigisin-
naavaatit, soorlu najukkanni piffissat piniarfiusut atuuttut pillugit, uumasunut
killilersukkanut akuersissummik qanoq pissarsisoqartarnera, uumasunik killiler-
sukkanik immikkut nalunaarsuiffiit immersorneqarnissaat allarpasuillu pillugit.

Aammattaaq nittartagaq www.sullissivik.gl aqutigalugu piniakkanut tunngasut
nalinginnaasumik paasissutissat pissarsiarineqarsinnaapput.



The screenshot shows the website www.sullissivik.gl. The header includes the site name, a search bar, and navigation links for 'Sammasaq toqqaruk', 'Imminut sullinneq', and 'Kommuneqarfik Sermersooq'. The main content area features a large image of a boat and a text block titled 'Aallaaniarnek, piniarnek aalisarnerlu'. Below this is a grid of six links, each with a 'Se alle' button:

- [Inuussutissarsiutinut tapersiarneg / ESU](#)
- [Piniagassat assigiinngitsut](#)
- [Aalisakkat suneri aamma akuersissut](#)
- [Piniarnermut allagartaq](#)
- [Nakkutillineq](#)
- [Pisassiissutit](#)

www.sullissivik.gl-mi imminut sullinnikkut periarfissarpasuuaqarpoq.

PINIARNERMUT ALLAGARTALERINERMI IMMINUT SULLISSINEQ

Kommunit piniarnermut allagartanik tunniussisarneq, nutarterineq aamma ukiu-moortumik pisanik nalunaa-ruteqartarneq pillugu sullissi-neq januaarip aallaqqaataaniit 2017-mi tiguat. Tamanna pillugu ukiu-moortumik pisanik nalunaarsuiffik Aalisarnermut, Piniarnermut Nunalerinermullu Naalak-kersuisoqarfimmu nassiun-neqartarunnaassaaq, taarsiul-lugu illit nammineq www.sullissivik.gl aqutugalugu imaluunniit najukkanni Sullissivimmi nalunaaruti-gissavavit. Piniarnermut allagartalersuinermut tunngasut taakku marluk aqutugalugit iserfigisinnaa-vatit, tassanilu aamma pini-arnermut allagartat ukiup ingerlanerani tammaassi-magukku anillatseqqissin-naavat imaluunniit pdf-tut toqqorsinnaallugu. Netbank aqutugalugu akiliisimanermiit uppersarsaatip anillatseqqinnissaa eqqaamassavat.

Piniarnermut allagartamik immikkut akuerineqarnissaq pillugu qinnuteqaatit Aalisarnermut, Piniarnermut Nunalerinermullu Naalakkersuisoqarfup suli sulia-risarpai.

Piniarnermut allagartat isikkuatigut allannornikuuvoq maannakkullu pap-piaraq A4-tut angissuseqalernikuulluni, asseq takuuk. Allakkerivimmi akiliisi-manermut uppersarsaat ilanngullugu piniarnermut allagartaasoq. Piniarnermut allagartat suli plastikkimik poorsinnaavat. Tamanna PINIARNEQ-mi pisarpat taakkulu Sullissivimmi tunniunneqartarlutik.

**PISATIT ATAAVARTUMIK NALUNAARSORNISSAANUT /
FOR LØBENDE REGISTRERING AF DINE FANGSTER**

Qaammat / Måned	Ulloq/ Dato	Qassit/ antal	Ulloq/ Dato	Qassit/ antal	Ulloq/ Dato	Qassit/ antal	Ulloq/ Dato	Qassit/ antal	Ulloq/ Dato	Qassit/ antal	Ulloq/ Dato	Qassit/ antal
Tuttu / Rensdyr												
Umimmak / Moskusokse												
Ukaleq / Snehare												
Terianniaq / Polarræv												
Niisa / Marsvin												
Anarnaq / Døgling												
Aarluarsuk / Hvidskæving/ Hvidnæse												
Niisarnaq / Grindehval												
Natseq / Netside (Ringsæl)												
• Natseq qassu- tinik / Netside m/garn												
Aataaq / Sortside												
Allattooq / Blåside (ung Grønlands- sæl)												
Natsersuaq / Klapmyds												
Ussuk / Remmesæl												
Nanoq/Isbjørn												
Aaveq/Hvalros												
Qilalugaq qerner- taq / Narhval												
Qilalugaq qaqor- taq / Hvidhval												
Taateraaq / Ride												
Tulugaq / Ravn												
Appa / Polar lomvie / Atlantisk lomvie												

Aqisseq / Fjeldrype													
Serfaq / Tejst													
Miteq / Edderfugl													
Alleq / Havlit													
Miteq sioraki / kongeedderfugl													
Qeerlutooq / Gråand													
Nerlernaarsuk / Canadagås													
Nerleq siggukitsaq / Kortnæbbet gås													
Nerlernarnaq / Bramgås													
Oqaatsaq / Skarv													
Tuullik / Islom													
Naajaannaq / Hvidvinget måge													
Naajarluk / Svartbag													
Naajarujussuaq / Gråmåge													
Qaqulluk / Mallebuk													

SANIATIGUT PISARISUUKKAT / BIFANGST

Qaammat / Måned	Ulloq/ Dato	Qassit/ antal	Ulloq/ Dato	Qassit/ antal	Ulloq/ Dato	Qassit/ antal	Ulloq/ Dato	Qassit/ antal	Ulloq/ Dato	Qassit/ antal	Ulloq/ Dato	Qassit/ antal
Appa/ Polarlomvie / Atlantisk lomvie												
Miteq / Edderfugl												
Miteq sioraki / Kongeedderfugl												
Timmiaq alla, suunera allaguk / Anden art, spe- cificer												

MANNIT / ÆGINDSAMLING

Qaammat / Måned	Ulloq/ Dato	Qassit/ antal	Ulloq/ Dato	Qassit/ antal	Ulloq/ Dato	Qassit/ antal	Ulloq/ Dato	Qassit/ antal	Ulloq/ Dato	Qassit/ antal	Ulloq/ Dato	Qassit/ antal
Appaliarsuup man- nii / Søkonge æg												
Naajarluup mannii / Svartbag æg												
Naajarujussuup mannii / Gråmåge æg												
Qaqulluup mannii / Mallek æg												
Naajaannaap man- nii / Hvidvinget måge æg												


Eqqaamajuk: Umasut pissatat annaasallu pisanut ilanngullugit kiseqataassanngillat, kisianni ”Periuseq”-ip ataani immikkut pissatatut annaasatullu nalunaarutigineqassapput!

Husk: Anskudte og mistede dyr tælles ikke sammen med fangsten, men afrapporteres separat som anskudt og mistet under ”Metode”!


SIKKERHEDSRÅD TIL SØS



MAALAKKERSUISUT
GOVERNMENT OF GREENLAND



Lær at svømme.



Undersøg vejforhold og ismeldinger på nettet eller KNR, før du sejler.



Husk varmt tøj.




Medbring redningsudstyr.



Oplys altid, hvor du tager hen. Så er du nemmere at finde.



Husk årer og ekstra brændstof.



Husk VHF, GPS, kompas, spotsender og søkort.



Bliv ved båden, hvis den kæntrer.



Vær opmærksom på vejforhold under sejladsen. Det kan skifte hurtigt.



Husk at underrette dine pårørende, når du kommer tilbage fra sejlad.



Angalareeruit tikkitit inuit ilisimatissaat eqqaamjuk.



Angalareeruit sila ganoo innersooq mauginaruk. Alliangorataarsinnaavoq.



Angallatp eqqaanilligmarit.



VHF, GPS, kompas, spotsender og søkort. Taat aamma maanut nunap assinga eqqaamakkit.



Iputt orsusamaallit eqqaamakkit.



Sunukamareeruit tamalut ilisimatissiguk. Taamaallomikkit massaanunuminaernussaitit.




Annanutit eqqaamakkit.



Allsat oqortut eqqaamakkit.



Aaliangininni silleseq sikullu pilligt nalunaaruit inermi KNR-imiunniit missusukkit.



Nalunermik ilinmarit.

MAALAKKERSUISUT
GOVERNMENT OF GREENLAND



IMARSIORNERMI
ISUMNALLISAANEO